

同文
原版
淵鑑類函

盛秋署檢

淵鑑類函卷三百七

人部六十六 遊覽

遊覽一

原禮記月令曰仲夏之月可以遠眺望可以升山陵 **補**又內則曰從長者而上丘陵則必鄉長者所視登城不指城上不呼 **原**詩曰以遨以遊 穀梁傳曰常視曰視非常曰觀 周禮曰禁屬遊飲食于市者 淮南子曰所謂樂者遊雲夢陟高丘耳聽九韶六莛口味煎熬芬芳馳騁夷道鈞射鵲鷄之謂樂乎

遊覽二

原穆天子傳曰天子遂襲崑崙之丘遊軒轅之宮眺望鍾山之嶺玩帝者之寶勒石王母之山紀述元圃之上乃取其嘉木豔草奇鳥怪獸玉石珍瑰之器重膏銀燭之寶 又曰天子北升于春山之上以望四野春山是惟天下之高山也天子五日觀于春山之上 **補**列子曰周穆王肆意遠遊命駕八駿之乘右服藟騶而左騶耳右騶赤驥而左白癸主車則造父爲御商簡爲右次車之乘右服渠黃而左踰輪左騶盜驪而右山子柏天上車騶伯爲御奔戎爲右一日行萬里 **原**家語曰孔子北遊登農山子路子貢顏回侍孔子四望喟然歎曰二三子各言爾志 韓詩外傳曰齊景公遊於牛山而北望齊曰美哉國乎鬱鬱秦秦 說苑曰齊景公遊海上樂之不歸六月 **補**范蠡既佐越滅吳遂乘扁舟出入三江五湖 **原**莊子曰莊子與惠子游濠梁之上莊子曰儵魚出遊從容是魚樂也惠子曰子非魚焉知魚之樂也莊子曰子非我焉知吾不知魚之樂也 新序曰晉平公遊西河中流而歎曰嗟乎安得賢士與共此樂乎 戰國策曰昔楚王登彊臺而望崇山左江右湖以臨方渚其樂忘死 說苑曰楚昭王欲之荊臺游司馬子綦進諫曰荊臺之遊左洞庭之波右彭蠡之水南望獵山下臨方淮其樂使人遺老而忘死 列女傳曰楚昭王燕遊蔡姬在左越姬參乘王親乘駟以逐登附莊之臺以望雲夢之囿乃顧謂二女曰樂乎吾願與子生若此 史記曰秦始皇十七年上會稽山望於南海立石刻頌秦德還過吳從江乘渡傷海上北至琅邪 **補**淮南子曰盧敖遊大海至蒙谷之上見一士卷龜谷而食蛤蜊敖曰夫子可與教爲友矣士歎曰我方南遊乎罔畧之野北息乎沈默之鄉西窮冥冥之里東貫鴻

濛之光吾與子汗漫遊於九垓之上乃舉臂簪身入雲中教仰視曰吾比夫子猶黃鵠與壤蟲也 史記曰漢太史公有子名遷遷生龍門耕牧河山之陽年十歲則誦古文二十而南游江淮上會稽探禹穴闢九疑浮於沅湘北涉汶泗講業鄒魯之都觀孔子之遺風鄉射鄒嶧尼困鄆薛彭城過梁楚以歸 高士傳曰向長字子平讀易至損益卦喟然歎曰吾已知富不如貧貴不如賤但不知死何如生耳爲子嫁娶畢敕家事斷之云當如我已死與同好禽子夏俱遊五岳名山不知所終 漢侍中習郁於峴山南依范蠡養魚法作魚池池邊有高隄種竹及長楸芙蓉綠岸菱茨覆水是遊燕名處山簡每臨此池未嘗不大醉而還曰此是我高陽池也 世說新語曰晉羊祜鎮襄陽好山水每風景必造峴山置酒言詠終日不倦 晉謝安於土山營墅樓館林竹甚盛每攜中外子姪往來游集殷饌亦費百金世頗以此譏焉常往臨安山中坐石室臨濬谷悠然歎曰此與伯夷何遠 世說曰晉王羲之去官與東土人士營山水弋釣之娛又與道士許邁共修服食偏采名藥遊名山泛滄海歎曰我當以樂死 南史曰宋謝靈運爲永嘉守郡有名山水遂肆志遨遊所至輒爲詩詠以致其意登躡嘗著木屐上山則去前齒下山去其後齒 世說曰宋宗炳字少文好山水愛遠遊有疾還江陵歎曰老病俱至名山恐難徧觀惟當澄懷觀道臥以遊之凡所遊歷皆圖之於室謂人曰撫琴動操欲令衆山皆響 南史曰宋袁粲領丹陽尹獨步園林詩酒自適家居負郭每杖策逍遙當其得意悠然忘返郡南一家頗有竹石粲率爾步往不通主人嘯詠自得 世說曰許詢字元度好遊山水而體便登陟時人云許非徒有勝情實有濟勝之具 南史曰張子偉居京口得故刁景純廢園結茅齋居焉啜粥飲水嘯傲松竹之下十有餘年一日聞江東湖湘山川之盛杖策獨行登廬阜從彭蠡經洞庭南至衡山數年而返所過雖兔穴鳥道人迹所不及必窮搜極覽以盡其意 又曰陶弘景愛山水每經澗谷必坐臥其間吟詠不已 世說曰梁簡文入華林園顧謂左右曰會心處不必在遠翳然林木便自有濠濮間想也不覺鳥獸禽魚自來親人 唐王勃既廢客劍南嘗登葛嶺山曠望慨然長思 唐書曰李白懇求還山帝賜金放還白浮游四方常乘舟與崔宗之自采石至金陵著宮錦袍坐舟中旁若無人晚好黃老渡牛渚磯至姑孰悅謝家青山欲終焉及卒葬東麓元和末宣歙觀察使范傳正祭其冢禁樵采訪後裔惟二孫女嫁爲民妻進止仍有風範因泣曰先祖志在青山頃

葬東麓非本意傳正爲改葬立二碑焉告二女將改妻士族辭以孤窮失身命也不願更嫁 王維字摩詰太
原人得宋之問藍田別墅在輞川輞水周於舍下竹洲花塢與道友裴迪浮舟往來彈琴賦詩嘯詠終日 唐
書曰杜甫往來梓夔間大曆中出瞿塘下江陵泝沅湘以登衡山因客耒陽游嶽祠大水遽至涉旬不得食縣
令具舟迎之乃得還常從李白及高適過汴州酒酣登吹臺慷慨懷古人莫測也 又曰張志和以親既喪不
復仕居江湖自稱煙波釣徒著元真子亦以自號兄鶴齡恐其遽世不還爲築室越州東郭茨以生草豹席授
屨每垂釣不設餌志不在魚也顏真卿爲湖州刺史志和來謁真卿以舟蔽漏請更之志和曰願爲浮家泛宅
往來苕霅間善圖山水嘗撰漁歌曰西塞山前白鷺飛桃花流水鱖魚肥青箬笠綠蓑衣斜風細雨不須歸憲
宗求其歌不能致李德裕稱爲嚴光之比 又曰孟郊調溧陽尉縣有投金灘平陵城林薄蒙翳下有積水郊
間往坐水旁裴回賦詩而曹務多廢令白府以假尉代之 李約司徒汧公子雅度元機蕭然冲遠嘗得古鐵
一片擊之清越又養一猿名山公嘗以自隨逐月夜泛江登山擊鐵鼓琴猿必嘯和傾壺達旦不俟外賓
宋史曰黃山谷遊潯皖山谷寺石牛洞樂其勝因自號山谷道人云 又曰張愈六召不應常浮沅觀浙江升
羅浮入九疑買石載鶴以歸 世說補曰宋錢文僊守西都謝絳歐陽修同在幕下一日遊嵩山自潁陽歸暮
抵龍門香山俄而雪作登山樓望都城各有所懷忽於煙靄中有車馬渡伊水來旣至則文僊遣廚傳歌伎至
語曰山行良佳少留龍門賞雪無遽歸也 鴻書曰明方孝孺嘗偕葉夷仲輩夜登山絕頂飲酒望月縱談
千古竟夕不眠謂葉曰昔蘇子瞻夜登黃樓觀王定國諸公登桓山吹笛飲酒乘月而歸以爲太白死三百年
無此樂矣斯樂又子瞻死三百年後所無也諸君皆大笑 孫一元與殷近夫相友善泛舟西湖戴華陽巾披
高士服把酒四望謂近夫曰昔青蓮居士與尚書郎張謂泛沔州南湖因改爲郎官湖今日予與子遊頗追蹤
前迹而湖可改爲高士湖矣時已醉甚信口成長歌云 獻徵錄曰呼良朋以都督致政歸時登麟巖騁望徘徊
觀滄海溟濛慨然歎曰吾結髮從戎乘風破浪於此蓋三十年往矣乃今得朝夕膝下優游泉石間誰之賜
也 又曰劉陽嘗登泰山絕頂遊衡岳夜半坐祝融峰被羊裘觀海日超然遠覽薄視色界一切晚闢雲霞之
館於三峰翠微坐半雲洞天與諸同志講道飲泉茹蔬悠然樂之 又曰徐舫築室江皋日苦吟於煙雲出沒

間儵然若與世隔因自號曰滄江散人天大雪乃泛舟釣江中終日戀戀若不忍舍去見者疑其非世間人
又曰唐寅字子畏禮闈被黜採於浙藩歸而不往或勸少貶異時亦不失一命寅大笑放浪形迹翩翩遠遊扁
舟獨邁祝融匡廬天台武夷觀海於東南浮洞庭彭蠡奇趣時發或寄於畫 詞林人物考曰王世懋性嗜佳
山水其登泰岱觀日出憩靈巖謁孔林入關過華嶽具行滕布履自青柯坪而上西北臨大漠稍南眺岷峨積
雪東俯中原一宿而下謂平生之觀無踰此矣行部江右窮匡廬表裏之勝按閩縱浪九鯉湖諸山為幽絕觀
歸自關中單騎走龍門砥柱嵩山少林神禹之所疏鑿而苦提達摩之所紹統者慨然若覩其人至洞庭兩山
京口三島固几案間物也意與境會輒為文以紀之 又曰童珮嘗冒雪遊九華峰南嶽祝融坐雲氣間泰山
日觀峰候夜半出日以為奇遂有九華遊記南嶽東岱詩 周公謹邀趙子固放舟湖上飲酣子固脫帽以酒
晞髮箕踞歌離騷薄暮入西泠掠孤山橫櫂茂樹間指林麓最幽處瞪目絕叫曰此是董北苑得意筆也鄰舟
數十皆驚歎以為真謫仙人

遊覽三

原寓目

寫憂

左傳曰君憑軾而觀之得臣與焉
詩曰駕言出遊以寫我憂

樂丘

遊觀

晉趙文子觀于九原曰樂哉斯丘禮記

然而

神人

水仙

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

欽能

守事

水

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

衛極

巧事

舟

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

過都

無不

招延

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

宛丘

詩曰

有卷者阿

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

極高

人所罕

經也

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

赤鮮

竹義之序

曰永

劉夢得嘗言布巾被袖永遊山澤輒流連忘返神理開正安貌甚華在陵谷之間意氣

遊觀

仲尼與于蜡賓事畢出遊于觀之上

下詳之

妙高臺

峻極院

蘇軾與客遊金山適中秋江流瀟灑月色如畫遂共登山頂妙高臺命歌者索絃未

遊觀

仲尼與于蜡賓事畢出遊于觀之上

山下每登高頂則於峻極中院記歲至月捐館之年題歌韻今為起舞

埃壙外

泉石間

上詳遊覽五宋登春語語

千巖萬壑

樵語牧唱惜還述山川之美云

七十四

同遊

埃壙外

泉石間

上詳遊覽五宋登春語語

千巖萬壑樵語牧唱惜還述山川之美云

郭生榛棘徑無所由崔蒲竟廣澤葭葦來長流遊客多悲傷淚下不可收朝入譙郡界曠然消人憂詩人美
樂土雖客猶願留 又詩曰列車息眾駕相伴綠水湄幽蘭吐芳烈芙蓉發紅暉百鳥何續翻振翼羣相追投
網引潛鯉強弩下高飛白日已西邁歡樂忽忘歸 陳琳詩曰高會時不娛羈客難爲心殷懷從中發悲感激
清音投觴罷歡坐逍遙步長林蕭蕭山谷風黯黯天路陰惆悵忘旋反歔歔涕霑襟 又詩曰節運時氣舒秋
風涼且清閑居心不娛駕言從友生翱翔戲長流逍遙登高城東望看疇野迴顧覽園庭嘉木凋綠葉芳草殲
紅榮騁哉日月逝年命將西傾建功不及時鍾鼎何所銘收念還房寢慷慨詠墳經庶幾及君在立德垂功名
晉束皙詩曰矯足登雲閣相伴步九華徙倚憑高山仰攀桂樹柯延首觀神州迴瞻盼曲阿芳林挺修幹一
歲再三花何以濟不朽噓吸漱朝霞重巖吐神瀠傾觴挹涌波恢恢大道間人事足爲多 謝混遊西池詩
曰悟彼蟋蟀唱信此勞者歌有來豈不疾良遊嘗蹉跎迢迢越城肆願言屢經過迴阡被陵闕高臺眺飛霞惠
風蕩繁囿白雲屯層阿景仄鳴禽集水木湛清華霏霏雲順蘭芷徙倚引芳柯美人愆歲月遲暮獨如何無爲牽
所思南榮戒其多 陸沖詩曰命駕遵長途縣塗難尋我行一何艱山川阻且深冷澤無夷軌重巒有層
陰零雨淹中路元雲蔽高岑俯悼孤行獸歎偏翔禽空谷回悲響流風漂哀音 又詩曰肆觀野原外放心
希太和景歲造天漢豐林冒重阿清芬乘風散豔藻映渌波 宋謝靈運初往新安至桐廬口詩曰締綵雖淒
其授衣尚未至感節良已深懷古徒役思不有千里棹孰申百代意遠協尚子心遙得許生計既及冷風善又
即秋水駛江山共閒曠望日想照媚景夕羣物清對玩咸可喜 又從遊京口北固應詔詩曰玉璽戒誠信
黃屋示崇高事爲名教用道以神理超昔聞分水遊今見塵外鑣鳴笳發春渚稅鑾登山椒張組眺倒影列筵
騁歸潮遠巖映蘭薄白日麗江皋原隰美綠柳墟園散紅桃皇心美陽澤萬象咸光昭顧已枉維禁撫志慙場
苗工拙各所宜終以反林巢曾是繁舊想覽物奏長謠 又石壁精舍還湖中詩曰昏旦變氣候山水含清暉
清暉能娛人遊子憺忘歸出谷日尚早入舟陽已微林壑斂暝色雲霞收夕霏芰荷迭映蔚蒲稗相因依披拂
趨南徑愉悅偃東扉慮澹物自輕意愜理無違寄言攝生客試用此道推 又登石門最高頂詩曰晨策尋絕
壁夕息在山棲疏峰抗高館對嶺迴路長林羅戶庭積石擁階基連巖覺路塞密竹使徑迷來人忘新術去

子感故蹊活活夕流駛嗽數夜猿啼沈冥豈別理守道自不攜心契九秋幹目玩三春萸居常以待終處順故安排惜無同懷客共登青雲梯 又於南山往北山經湖中瞻眺詩曰朝旦發陽崖景落憩陰峰舍舟眺迴渚停策倚茂松側徑既窈窕環洲亦玲瓏俛視喬木杪仰聆大壑淙石橫水分流林密蹊絕蹤解作竟何感升長皆丰容初篁苞綠籜新蒲含紫茸海鷗戲春岸天雞弄和風撫化心無厭覽物眷彌重不惜去人遠但恨莫與同孤遊非情歎賞廢理誰通 又從斤竹澗越嶺谿行詩曰猿鳴誠知曙谷幽光未顯巖下雲方合花上露猶

泣逶迤傍隈隩迢遞陟陁峴過澗既厲急登棧亦凌緬川渚屢徑復乘流翫迴轉蘋萍泛沈沈深菰蒲冒清淺企石挹泉飛攀林摘葉卷想見山阿人薜蘿若在眼握蘭動徒結折麻心莫展情用賞爲美事昧竟誰辨觀此遺物慮一悟得所遣 謝惠連泛湖歸出樓中翫月詩曰日落泛澄瀛星羅遊輕橈憩樹面曲汜臨流對迴潮輟策共駢筵並坐相招要哀鴻鳴沙渚悲緩響山椒亭亭映江月颺颺出谷颺颺悲氣霽岫泣泣露盈條近矚祛幽蘊遠視盪誼鄙晤言不知罷從夕至清朝 謝莊遊豫章西山觀洪崖井詩曰幽願平生積野好歲月彌

舍簪神區外整褐靈鄉垂林遠炎天隔山深白日虧遊陰騰鵠嶺飛清起鳳池隱暖松霞被容與澗煙移將遂丘中性結駕終在斯 鮑昭行藥至城東橋詩曰雞鳴關吏起伐鼓早通晨嚴車臨迴陌延瞰歷城闔蔓草緣高隅修楊夾廣津迅風首旦發平路塞飛塵擾擾遊宦子營營市井人懷金近從利撫劍遠辭親爭先萬里途各事百年身 原齊謝朓和徐勉出新林渚詩曰宛洛佳遊遊春色滿皇州結軫青郊路迴瞰滄江流日華

川上動風光草際浮桃李成蹊徑桑榆蔭道周 又遊東田詩曰戚戚苦無悰攜手共行樂尋雲陟累榭隨山望菌閣遠樹曖芊芊山煙紛漠漠魚戲新荷動鳥散餘花落不對芳春酒還望青山郭 梁武帝登北顧樓

梁史武帝大同十年三月幸京口城登北顧樓更名北顧詩曰歇駕止行警迴輿暫遊識清道巡丘壑緩步肆登陟雁行上差池羊腸轉相逼歷覽窮天步矚矚盡地域南城連地險北顧臨水側深潭下無底高岸長不測舊嶼石若構新洲花如織

原梁簡文帝薄晚逐涼北樓迴望詩曰平衢望如掌曾雉暖相連斷雲留去石長山減半天戲鳬乘欲下漁舟冒浪前 又大同八年秋九月詩曰大君重九節下輦上林中酒闌嘉宴罷車騎各西東時余守西掖脂車歸北宮車分獨坐道扇拂冶城風落照塹中滿浮煙槐外通長樂含初紫安榴折晚紅 又大同九年秋七月詩

曰高樓關左扇迴望依蘭橈晚風搖颺來落照參差好

書又往虎窟山寺詩曰塵中誼慮積物外衆情捐茲

地信爽塏墟囿暖肝縣鵲車徒邁飄飄旌旆懸細松斜繞徑峻嶺半藏天古樹無枝葉荒郊多野煙分花出黃鳥挂石下新泉箭響均雙樹清虛類八禪樓神紫臺上縱意白雲邊徒然嗟小藥何由齊大年

原又登錦

堂詩曰孫生酸棗寺王子枝江樓何如登石鏡因閒猶豫遊又應令詩曰蠡浦急兮川路長白雲重兮出帝

鄉平原忽兮遠極目江甸阻兮羈心傷樹廬岳兮高且峻瞻派水兮去泱泱遠煙生兮含山勢風散花兮傳馨

香臨清波兮望石鏡瞻鶴嶺兮睇仙莊望邦畿兮千里瞻悲遙夜兮九迴腸顧龍樓兮不可見徒送目兮淚霑裳

元帝出江陵縣還詩曰遊魚迎浪上雖雉向林飛遠邨雲裏出遙船天際歸又詩曰朝出屠羊縣夕反

仲宣樓水滿還侵岸沙盡稍開流又登江州百花亭懷荆楚詩曰目極纔千里何由望楚津落花灑行路垂

楊拂砌塵柳絮飄春雪荷珠漾水銀試酌新春酒遙勸陽臺人沈約登高望春詩曰登高眺京洛街巷何紛

紛回首望長安城關鬱盤桓齊童躡珠履趙女揚翠翰春風搖雜樹葳蕤綠且丹寶瑟玫瑰柱金羈玳瑁鞍淹

留宿下蔡置酒過上蘭日出照鈿黛風過動羅紈

書

又鍾山應西陽王教詩曰靈山紀地德險峭資嶽靈終

南表秦觀少室邇王城翠鳳翔淮海衿帶繞神垌北阜何其峻林薄杳蔥青發地多奇嶺千雲非一狀合沓共

隱天參差互相望鬱律構丹嶽峻嶒起青嶂勢隨九疑高氣與三山壯即事既多美臨眺殊復奇南瞻儲胥觀

西望昆明池山中咸可悅賞逐四時移春光發隴首秋風生桂枝多值息心侶結架山之足八解鳴澗流四禪

隱巖曲窈冥終不見蕭條無可欲所願從之遊寸心于此足君王挺逸趣羽旆臨崇基白雲隨玉趾青霞雜桂

旗淹留訪五藥顧步佇三芝於焉餽駕駕歲暮以爲期又登元暢樓詩曰危峰帶北阜高頂出南岑中有凌

風樹迴望川之陰岸險每增減湍平互淺深水流本三派臺高乃四臨上有離羣客客有慕歸心落暉暎長浦

煥景燭中潯雲生嶺乍黑日下谿半陰信美非吾土何事不抽簪

原

劉孝威出新林詩曰芒山眊洛邑函谷

望秦京遙分承露掌遠見長安城故鄉已可識遊子必勞情霧罷前邨見風息浦川平坐觀暮潮落漸見夕煙

生無由一羽化徒想風御輕蕭子範東亭極望詩曰晚流稍東急暝景促西暉水鳥銜魚望蓮舟拂芰歸郊

原共超遠林野雜依菲從君采蘿葛寧復想輕肥蕭子暉應教使客春遊詩曰上林看草色河橋望日暉洛

陽城閉晚金鞍橫路歸 蕭子雲落日郡西齋望海山詩曰漁舟暮出浦漢女采蓮歸夕雲向山合水鳥望田

飛蟬鳴早秋至蕙草無芳菲故隱天山北夢想日依依 吳均迎柳吳興道中詩團團日西靡客念已蹉跎長

風倒危葉輕練網寒波白雲光彩麗青松意氣多所言飽恩德忘我北山蘿 庾肩吾暮遊山水賦韻得磧應

令詩曰餘春屬清夜西園恣遊歷入徑轉金輿開橋通畫鷁細藤初上援新流涵涵噴雲峰沒城柳電影開巖

壁 王僧孺落日登高詩曰憑高且一望目極不能舍東北指青門西南見白社軫軫河梁上紛紛渭橋下爭

利亦爭名驅車復驅馬寧訪蓬蒿人誰憐寂寞者 又至牛渚憶魏少英詩曰楓林暖似畫沙岸淨如埽空籠

望元石迴斜見危島綠草間遊蓋青葢集輕楊徘徊洞初月浸淫漬春滌非願歲物華徒用風光好 劉綏和

晚日登樓詩曰所以登臺榭正重接煙霞長虹觸閣斷歸鳥避空斜俯巢窺暝宿臨樹摘高花百雉時方晚九

層光尚餘 北周庾信遊山詩曰聊登元圃殿更上增城山不知高幾里低頭看世間唱歌雲欲聚彈琴鶴

欲舞澗底百重花山根一片雨婉婉藤倒垂亭亭松直豎 原宗懷和歲首寒望詩曰旅騎出平原征鑣徧野

喧接里開都邑連車駐小門稻車迴故塢獵馬轉新邨古碑空戴石山龕未上檐所言春不至未有桃花源

陳陰鏗和登百花亭懷荆楚詩曰江陵一柱觀潯陽千里潮風煙望似接川路恨成遙落花輕未下飛絲斷易

飄藤長還依格荷生不避橋陽臺可憶處唯有暮將朝 又登武昌岸望詩曰遊人試歷覽舊迹但丘墟巴水

繁非字楚山斷類書荒城高仞落古柳細條疎煙蕪遂若此當不爲能居 隋盧思道河曲遊詩曰鄴下盛

風流河曲有名遊應徐託後乘車馬踐芳洲丰茸雜樹密遙裔鶴煙稠日上疑高蓋雲起類重樓金羈自沃若

蘭棹成夷猶懸匏動清吹采菱轉豔謳還珂響金埵歸枝拂銅溝唯畏三春晚勿言千載憂 袁朗和洗掾登

城南坂望京邑詩曰二華連陌塞九隴統金方輿區稱富貴重險擅雄強龍飛灞水上鳳集岐山陽神臯多瑞

跡列代有興王我后膺靈命爰來宅此土宸居法太微建國資天府元風隔黎庶德澤浸區宇醒醉各相扶謳

歌從聖主南登少陵岸還望帝城中帝城何鬱鬱佳氣迺蔥蔥金鳳凌綺觀璇題敞蘭宮複道東西合交衢南

北通萬國朝前殿羣公議宣室鳴珮合早風華蟬曜朝日柏梁宴初罷千鍾歡未畢端拱肅嚴廊思賢聽琴瑟

逶迤萬雉列隱軫千閭布飛甍夾御溝曲臺臨上路處處歌鐘鳴喧闐車馬度日落長楸間含情兩相顧是月

冬之季陰寒晝不開驚風四面集飛雪千里迴狐白登廊廟牛衣出草萊詎知韓長孺無復重發灰 唐陳子昂度荆門望楚詩曰遙遙去巫峽望望下章臺巴國山川盡荆門煙霧開城分蒼野外樹斷白雲隈今日狂歌客誰知入楚來 駱賓王春晚從李長史遊開道林故山詩曰幽尋極幽壑春望陟春臺雲光樓斷樹靈影入仙杯古藤依格上野徑約山隈落葉飄風去流鶯滿樹來興闌荀御動歸路起浮埃 又出石門詩曰層巖遠接天絕嶺上栖煙松低輕蓋偃藤細弱絲懸石明如挂鏡苔分似列錢暫策爲龍杖何處得神仙 宋之問遊禹穴迴出若耶詩曰禹穴今朝到耶溪此路通著書聞太史鍊藥有仙翁鶴往籠猶挂龍飛劍已空石帆搖海上天鏡落湖中水底零露白山邊墜葉紅歸舟何處晚日暮使樵風 崔湜冀北春望詩曰回首覽燕趙春生兩河間曠然萬里餘際海不見山雨歇青林潤煙空綠野閒問鄉何處所目送白雲還 薛稷早春魚亭山詩曰春氣動百草紛榮時斷續白雲自高妙徘徊空山曲陽林花已紅寒澗苔未綠伊余息人事蕭寂無營欲客行雖云遠翫之聊自足 張說遊石門墨山二山相連有禪堂觀天下絕境詩曰菌輪江上山近在華容縣常涉巴丘首天晴遙可見佳遊屢前諾芳月愆幽者及此符守移歡言臨道便旣攜賞心客復有送行掾竹徑入陰盲松崖上空藉草共林一色雲與峰萬變探窺石門斷緣越沙澗轉兩山勢爭雄雄峰巖相顧眄藥妙靈仙寶境華嚴壑運清都西湖絕金地東啟宴池果接園畦風煙迴臺殿高尋去石頂曠覽天宇徧千山紛滿目百川豁對面騎來雲飛迎人去鳥聲戀長揖桃源士舉世同企羨 又游洞庭湖湘詩曰平湖晚望分仙嶠氣氛氲鼓枻乘清渚尋峰弄白雲江寒天一色日靜水重文樹坐參猿嘯沙行入鷺羣緣源斑篠密冒徑綠蘿紛洞穴傳虛應楓林覺自熏雙童有靈藥願取獻明君 高適同薛司直秋霽曲江俯見南山詩曰南山鬱初霽曲江湛不流若臨瑤池間想望崑崙丘回首見黛色眇然波上秋深沈俯仰嶠清淺延阻修連潭萬木影插岸千巖幽杳靄信難測翕淪無暗投片雲對漁父獨鳥隨虛舟我心寄青霞世事慙白鷗得意在乘興忘懷非外求良辰自多暇欣與數子遊 孟浩然秋登蘭山寄張五詩曰北山白雲裏隱者自怡悅相望試登高心隨飛雁滅愁因薄暮起興是清秋發時見歸邨人平沙渡頭歇天邊樹若薺江畔舟如月何當載酒來共醉重陽節 岑參早秋與諸子就州西亭觀眺詩曰亭高出鳥外客到與雲齊樹點千家小天圍萬嶺低殘虹挂陝北急雨過

關西酒榼綠青餅瓜田傍綠谿微官何足道愛客且相攜唯有鄉園處依望不迷 李頎望秦川詩曰秦川
朝望迴日出正東峰遠近山河淨遙遙城關重秋聲萬戶竹寒色五陵松客有歸歎歎其霜露濃 王維冬
日遊覽詩曰步出城東門試騁千里目青山橫蒼林赤日圓平陸渭北走邯鄲關東出函谷秦地萬方會來朝
九州牧雞鳴咸陽中冠蓋相追逐丞相過列侯羣公錢光祿相如方老病獨歸陵茂宿 李白入彭蠡經松門
觀石鏡緬懷謝康樂題詩書遊覽之志詩曰謝公之彭蠡因此遊松門余方窺石鏡兼得窮江源將欲繼風雅
豈徒清心魂前賞逾所見後來道空存況屬臨泛美而無洲渚喧漾水向東去漳流直南奔空濛三川夕回合
千里昏青桂隱造月綠楓鳴愁緩水碧或可采金精秘莫論吾將學仙去冀與琴高言 又送友人尋越中山
水詩曰聞道稽山去偏宜謝客才千巖泉灑落萬壑樹繁迎東海橫秦望西陵繞越臺湖清霜鏡曉濤白雪山
來八月枚乘筆三吳張翰杯此中多逸興早晚向天台 又望九華贈青陽韋仲堪詩曰昔在九江上遙觀九
華峰天河挂綠水秀出九芙蓉我欲一揮手誰人可相從君爲東道主于此臥雲松 杜甫望嶽詩曰岱宗夫
何如齊魯青未了造化鍾神秀陰陽割昏曉盪胸生層雲沒胷入歸鳥會當凌絕頂一覽衆山小 又望嶽詩
曰西嶽峻嶒竦處尊諸峰羅立似兒孫安得仙人九節杖拄到玉女洗頭盆車箱入谷無歸路箭括通天有一
門稍待秋風涼冷後高尋白帝問真源 又漢陂行詩曰岑參兄弟皆好奇攜我遠來遊漢陂天地黯慘忽異
色波濤萬頃堆琉璃琉璃汗漫泛舟入事殊興極憂思集置作鯨吞不復知惡風白浪何嗟及主人錦帆相爲
開舟子喜甚無氛埃鳬鷺散亂懼謳發絲管啁啾空翠來沈竿續蔓深莫測菱葉荷花淨如拭宛在中流渤澥
清下歸無極終南黑半陂已南純浸山影動晨窈沖融間船舷冥冥雲際寺水面月出藍田關此時驪龍亦吐
珠馮夷擊鼓神龍趨湘妃漢女出歌舞金支翠旗光有無咫尺但愁雷雨至蒼茫不曉神靈意少壯幾時奈老
何向來哀樂何其多 又瞿塘兩崖詩曰三峽傳何處雙崖壯此門入天猶石色穿水忽雲根猱獮鬚顚古蛟
龍窟宅尊羲和冬馭近愁畏日車馳 又渡江詩曰春江不可渡二月已風濤舟楫敝斜疾魚龍偃臥高渚花
張素錦汀草亂青袍戲問垂綸客悠悠見汝曹 又登兗州城樓詩曰東郡趨庭日南樓縱目初浮雲連海岱
平野入青徐孤嶂秦碑在荒城魯殿餘從來多古意臨眺獨躊躇 又西閭雨望詩曰樓雨霑雲幔山寒著水

城徑添沙面出湍減石枝生菊藥淒疎放松林駐遠情滂沱朱檻濕萬慮倚檐楹 又曉望白帝城鹽山詩曰
徐步移班杖看山仰白頭翠深開斷壁紅遠結飛樓日出清江望暄和散旅愁春城見松雪始擬進歸舟 又
野望詩曰清秋望不極迢遞起曾陰遠水兼天淨孤城隱霧深葉稀風更落山迴日初沈獨鶴歸何晚昏鴉已
滿林 又滕王亭子詩曰君王臺榭枕巴山萬丈丹梯尚可攀春日鶯啼修竹裏仙家犬吠白雲間清江碧石
傷心麗嶽樂濃花滿目斑人到于今歌出牧來遊此地不知還 又詩曰寂寞春山路君王不復行古牆猶竹
色虛閣自松聲鳥雀荒郊暮雲霞過客情尚思歌吹入千騎把霓旌 又登高詩曰風急天高猿嘯哀渚清沙
白鳥飛迴無邊落木蕭蕭下不盡長江滾滾來萬里悲秋常作客百年多病獨登臺艱難苦恨繁霜鬢潦倒新
亭濁酒杯 劉長卿秋雲嶺詩曰山色無定姿如煙復如黛孤峰夕陽後翠嶺秋天外雲起遙蔽虧江迴頻向
背不知今遠近到處猶相對 錢起送包何東遊詩曰水國嘗獨往送君還念茲湖山遠近色昏旦煙霞時予
好謝公跡常吟孤嶼詩果乘扁舟去若與白鷗期野趣及春好客遊欣此辭入雲投館僻采碧過帆遲江上日
回首琴中勞別思春鴻刷歸翼一寄杜蘅枝 韋應物龍門遊眺詩曰鑿山導伊流中斷若天關都門遙相望
佳氣生朝夕素懷出塵意適有攜手客精舍繞層阿千龕鄰峭壁緣雲路猶緬憩澗鐘已寂花樹發煙華淙流
散石脈長嘯招遠風臨潭漱金碧日落望都城人間何役役 孟郊越中山水詩曰自覺耳目勝我來山水州
蓬瀛若騁驪四野如泛浮碧嶂幾千縷清泉萬餘流莫窮合沓步孰盡派別遊越水淨難污越天陰易收氣鮮
無隱物目視遠更周舉俗嬉媿舊情連冬嶺芳柔菱湖有餘翠茗圃無荒疇賞異忽已遠探奇誠淹留永言終南
色去矣銷人憂 戴叔倫晚望詩曰山氣碧氤氳深林帶夕曛人歸孤嶂晚犬吠隔谿雲杉竹何年種煙塵此
地分桃源寧異此猶恐世間聞 元稹西郊遊曠詩曰東風散餘泣陂水澹已綠煙芳何處尋香靄春山曲新
禽啁喧節晴光泛嘉木一與諸君遊華醵秋見屬 白居易遊坊口懸泉偶題石上詩曰濟源山水好老尹知
之久常日聽人言今秋入吾手孔山刀劍立沁水龍蛇走危磴已懸泉澄灣轉坊口虛明見深底淨綠無纖垢
僊權浪悠揚塵櫻風抖擻巖寒松柏短石古莓苔厚錦座嬰高低翠屏張左右雖無安石妓不乏文舉酒談笑
逐身來管弦隨事有時逢杖錫客或值垂綸叟相與澹忘歸自辰將及酉 又秋日與張賓客舒著作同遊龍

門醉中狂歌凡二百三十八字詩曰秋天高高秋光清秋風嫋嫋秋蟲鳴萬峰餘霞錦綺卷伊水細浪鱗甲生
洛陽閒客知無數少出遊山多在城商嶺老人自追逐蓬丘逸士相逢迎南出鼎門十八里莊居遲迓橋道平
不寒不熱好時節鞍馬穩棹衣衫輕並轡踟躕下西岸扣舷容與繞中汀開懷曠達無所繫觸目勝絕不可名
荷衰欲黃荇猶綠魚樂自躍鷗不驚翠藻蔓長孔雀尾彩船櫓急寒雁聲家醪一壺白玉液野花數把黃金英
朝遊回看西日暮夜話坐及東方明暫停杯觴輒吟詠我也狂言君試聽丈夫一生有二志兼濟獨善難得并
不能救療生民病即須洗濯塵土纓況吾頭白眼已暗終日戚促何所成不如展眉開口笑龍門醉臥香山行
又東樓南望詩曰不厭東南望江樓對海門風濤生有信天水合無痕鷁帶雲帆動鷗和雪浪翻魚鹽聚爲
市煙火起成邨 儲嗣宗春遊望仙谷詩曰清無車馬塵深洞百花春雞犬疑霄藥耕桑似避秦登山樵采路
臨水浣紗人若得心無事移家便卜鄰 朱長文望中有懷詩曰龍向洞中銜雨出鳥從花裏帶香飛白雲斷
處見明月黃葉落時聞擣衣 韋莊南昌晚眺詩曰南昌城郭枕江煙章水悠悠浪拍天芳草綠遮仙尉宅落
霞紅襯賈人船霏霏閣上千山雨嘒嘒雲中萬樹蟬怪得地多章句客庾家樓在斗牛邊 宋王禹偁春遊南
靜川詩曰南過高車嶺川源似掌平峰巒開畫障畎畝列棋枰帝女柔桑綠王孫野草生提壺催我醉戴勝勸
人耕商嶺堪攜妓丹河好濯纓蓋圓松影密叢亂竹根撐勁勃奮田氣磷磷水塏聲野桃誰似主山鳥不知名
欲舞寧無蝶思歌亦有鶯官閒春日永擔酒此中行 趙抃遊青城山詩曰三十六峰峻維岷在蜀奇方行刺
史部重款丈人祠凍雪諸蕃隔晴雲六面披訪山窮寶洞救鬼覘豐碑泉落寒崖響籬依古木垂良工存舊筆
老叟琢新詩陟險齊雙屐逢幽鼓七絲盤桓不忍去還作更來期 又出雁蕩回望常雲峰詩曰遊徧名山未
肯休征車已發尚回眸高峰亦似多情思百里依然一探頭 林逋湖樓晚望詩曰湖水混空碧憑闌凝睇勞
夕寒山翠重秋淨雁行高遠意極千里浮生輕一毫叢林數未徧香靄隔漁舫 又上河閒泛槎舟石函因過
下湖小墅詩曰平阜望不極雲樹遠依依及向扁舟泊還尋下瀨歸青山連石埭春水入柴扉多謝提壺鳥留
人到落暉 蘇舜欽獨遊輞川詩曰行穿翠靄中絕磴落疎鐘數里跼亂石一川環碧峰暗林麋養自當路虎
留蹤隱逸何曾見孤吟對古松 又遊招隱道中詩曰揚鞭望招隱塵思漠然收雲接青林合泉兼碧草流疎

鐘傳別墅晚日動前樓嘉遜平生志吁嗟得暫遊 梅堯臣希深惠書言與師魯子瞻永叔幾道遊嵩因誦而韻之曰聞君奉宸詔瑞祝疑靈岫山水聊得遊志願庶可就豈無朋從俱況此一二秀方斬建春陌十剎殘書漏初經緱氏嶺古柏尚鬱茂却過轅轅關巨石相撐闔夕齋禮神祠法袞被藻繡畢事登山椒常服更短後從者十數人輕齋不爲陋是時天清陰力氣勇奔驟雲巖杳虧蔽花草藏潤竇傍林有珍禽驚聒若避鼓盤石暫憩休泓泉助吞漱上窺玉女窗窮絕非可構下玩擣衣碓煜煜金紋透尹子體雄恢攀緣逾習狃歐陽稱壯齡疲軟屢顛踣競歡相扶持持芒屨資踐蹂八仙存故壇三醉孰云謬鄙哉封祝碑數子昔鐫鏤偶識一時事曷虞來者詒絕頂瞰諸峰隘然輕宇宙遙思謝塵煩欲知羣鳥獸韓公傳石室聞之固已舊當時興稍衰不暇苦尋究東崖暗壑中釋子持經咒于今二十年飲食同猿狖君子聆法音充爾溢膚腠嘗期躡屐過吾儕色先慙遂乘真諦言茲亦甘自咎中預會幾望涼蟾皓如畫紛紛坐談謔草草具觴豆清露濕巾裳誰人苦羸瘦便即忘形骸胡爲戀纓綬或疑桂宮近斯語豈狂蒼歸來遊少室嶠崿殊引脰石室迢遞過探訪仍邂逅捫蘿上岑邃仙屋何廣袤乳水出其間涓涓自成溜凡骨此熏蒸靈真安可覲霞壁幾千尋四字侔篆籀咸意苔蘚文誠爲造化授標之神清洞民俗未嘗遽忽覺風雨冥無能久瞻扣恩恩遂宵征勝事皆可復俚歌縱諠譁怪說多駭糅凌晨關塞陽追賞顏匪厚窮極四百里寧憚疲左右昨朝書報予聞甚醉醇耐所嗟遊遠方心焉倍如疾又魯山山行詩曰適與野情愜千山高復低好峰隨處出幽境獨行迷霜落熊升樹林空鹿飲溪人家在何許雲外一聲鐘 余靖遊水南寺詩曰雙刹聳浮雲層軒絕世塵松溪千蓋雨茶園一旗春夜梵龕燈暗朝香篆火新暫來猶永日堪羨白蓮人 歐陽修和丁寶臣遊甘泉寺詩曰江上孤峰蔽綠蘿縣樓終日對嵯峨叢林已廢姜祠在事迹難尋楚語訛空餘一派寒巖側澄碧泓泓涵玉色野僧豈解惜清泉蠻俗那知爲勝迹西陵老令好尋幽時共登臨向此遊欬危一徑穿林樾盤石蒼涼留客歇山深雲日變陰晴澗柏巖松度歲青谷裏花開知地暖林間鳥語作春聲依依渡口夕陽時却望層巒在翠微城頭暮鼓休催客更待橫江弄月歸 又豐樂亭遊春詩曰綠樹交如山鳥啼晴風蕩漾落花飛鳥歌花舞太守醉明日酒醒春已歸 又曰春雲澹澹日輝輝草惹行襟絮拂衣行到亭西逢太守監輿酤酌插花歸 又曰紅樹青山日欲斜長郊草色綠無涯遊

人不管春將老來往亭前蹋落花 韓維登湖光亭詩曰雪盡塵消徑露沙公家池館似山家翠痕滿地初生

草紅氣通林未放花匝岸平波清照雁壓城危榭斗回鴉自慙白首猶圭組此地年年賞物華 米芾望海樓

詩曰雲間鐵甕近青天縹緲飛樓百尺連三峽江聲流筆底六朝帆影落尊前幾番畫角催紅日無事滄洲起

白煙忽憶賞心何處是春風秋月兩茫然 秦觀次韻子由題平山堂詩曰棟宇高開古寺間盡收佳處入雕

闌山浮海上青螺遠天轉江南碧樹寬雨檻幽花滋淺淚風危清酒漲微瀾遊人若論登臨美須作淮東第一

觀 又次韻子由題摘星亭詩曰崑崙左右兩招提中起孤高雉堞西不見燒香成宿霧虛傳裁錦作障泥螢

流花苑飛星亂蕪滿春城綠髮齊長憶凭闌風雨後斷虹明處海天低 又金山晚眺詩曰西津江口月初弦

水氣昏昏上接天清渚白沙茫不辨只應燈火是漁船 范成大柱笏亭晚望詩曰林泉隨處有清涼山繞闌

干客自忙溪雨不飛虹尚飲亂蟬高柳滿斜陽 又上清宮詩曰歷月捫參興未闌丹梯通處更躋攀冥濛蜀

道一雲氣破碎岷山千髻鬟但覺星辰垂地上不知風雨滿人間蝸牛兩角渾如夢更說紛紛觸與蠻 又最

高峰望雪山詩曰大面峰頭六月寒神燈收罷晚雲班浮空忽湧三銀闕云是西天雪嶺山 劉宰北固山望

揚州懷古詩曰北固城高萬象秋煙竿一縷認揚州試乘綠漲三篙水要見朱簾十里樓淡濕宮衣朝霧重愁

熏寒草夕陽浮隋堤舊事無人問兩兩垂楊繫客舟 戴復古烏聊山登覽詩曰抖擻塵塵上翠微旁溪寺上

坐題詩忽聞啼鳥不知處細看好山無厭時風掃雲煙開遠景人攜香火謁叢祠客來千里登臨意說與時人

未必知 又登快閣黃明府強使和山谷先生留題之韻曰未登快閣心先悵紅日半檐秋雨晴宇宙無邊萬

山立雲煙不動入窗明飛來一鶴天相近過盡千帆江自橫借問金華老僊伯幾人無忝入詩盟 黃公度與

鄒晚望詩曰山逐寒雲斷天隨暮靄低稻畦迷上下樵徑自東西故國存書劒他鄉咽鼓鼙涓埃期補報未敢

卜幽棲 謝翱遊釣臺詩曰古臺臨釣渚遺像在蒼煙有客隨槎到無僧依樹禪風塵侵祭器樵微避兵船應

有前朝蹟看碑數漢年 呂定望岱岳詩曰岱宗東望鬱嵯峨萬丈仙橋鳥外過秦樹千年空老大漢碑終古

不消磨天壇夜靜垂星斗石磴春深長薜蘿記得舊遊曾載酒頽然峰頂放長歌 林景熙重遊鏡曲次韻詩

曰青眼重逢白髮新舊遊却恐是前身野鳩妬客招呼雨江燕隨人管領春曾附僊舟追李郭獨提詩律繼黃

陳鏡中恨不移家住山水蒼蒼老釣綸

真山民光霽閣晚望詩曰一閣納萬象危闌俯渺茫白沙難認月黃

葉易爲霜宿鳥投煙嶼歸樵趁野航孤吟誰是伴漁笛起滄浪元周權次韻秋望詩曰暮鴉歸處斷霞明極

首風前萬里情煙林山光翠屏冷水涵天影玉壺清蟲鳴沙徑宵初永雁落蘆汀月未生何事數聲江上笛吹

將離恨滿孤城揭傒斯遊麻姑山雲閣詩曰君子荷初服恩至若無榮穆穆芳雨散悠悠著山行危關擁塞

黑飛桁綠臺青苔蘚滑如積杉松香冥冥時逢負芝翁忽聞流水聲舉足向益高矯然欲遐征徒隸各志倦矧

彼高人情黃清老登平遠堂龍頂峰詩曰六鼇簸蕩元圃碎三島崩騰失空翠海風掣斷南山雲分我滄江

半江水臺南巖谷青岌岌奇松怪石作人立山巔恐有風雨來林徑空濛落花濕水東勞前結平綠積霧飛嵐

坐堪掬蓬萊迢迢幾萬里一碧天光浸寒玉吟翁回首看不足緩步策驢度空谷誰知咫尺山中幽望斷殘暉

立脩竹許有壬登岳陽樓詩曰半空輪奐壯巴丘消得騷人一繫舟雲氣遠隔湘雨至湖光寒入蜀江流山

川信美非吾土天地無窮有此樓三十四年如夢過可憐華髮賦重遊王翰遊枕煙寺詩曰石磴招提古松

蘿冥不分排雲雙樹轉隔水一鐘聞林影疑殘兩山光倚夕曛醉來歸路遠秋思正紛紛成廷珪登望江樓

詩曰長江不可極岸幘獨登臨潮信自朝莫山光無古今碑亭流水涸葦路積苔深欲寫興亡恨西風萬葉吟

嚴士貞方山詩曰遙望羣峰擁翠巖登臨殊覺倦躋攀枯藤倒挂長松上峻瀑斜飛兩峽間龍卷雲歸常帶

雨犬隨人去自登山湫池只在危岑頂欲諮瑤函論大還又臺山詩曰乘興行歌上古臺衆峰環處一徘徊

怪松歲老繁蒼蔓小殿春深長綠苔霧暗兩池龍隱見煙消萬里鳥飛迴山頭老嫗知消息驚問適從何處來

又廣德觀詩曰瑤臺瓊館古朱砂知是神仙第一家不向山中餐柏實却來溪上看桃花玉壺春暖融瓊液

金鼎朝寒護碧霞須待三千功行滿御風同駕五雲車又壽聖觀詩曰來遊磊石訪元關雨漬莓苔繞砌斑

歲月如流宮殿廢溪山無主鼓鐘聞數聲漁唱蒼茫外一片仙碑紫翠間獨柱瘦筇空佇立竹松疎處看銀山

明劉基郊遊詩曰草根螻蟻鳴湖上簾葭靡繁林溺深綠清池散圓紫離居昧節序陶情類佳士汎舟出郊

甸緩步信所履壺觴展倡酬及此晴日美嘯歌望山川慷慨集悲喜歸雨入禹穴返照射宛委鳥啼樹有風帆

過煙在水興盡各言還適意聊復爾又晚同方舟上人登獅子巖作曰落日下前峰輕煙生遠林雲霞媚餘